

सी॒दतां॑ वी॒तामा॑ज्यस्य॒ होत॑र्यज । हो॒ता य॑क्ष॒द्वैव्या॑ हो॒ता  
 रा॒म॒द्रा॒पो॒ता॒रा क॒वी प्र॑चे॒तसा॑ । स्वि॒ष्टम॒द्यान्यः॑ क॒र-  
 दि॒षा स्व॑भिगू॒र्त्तम॒न्य ऊ॒र्जा स॑ त॒व से॒मं य॒ज्ञं दि॒वि दे॒-  
 वेषु॑ ध॒त्तां वी॒तामा॑ज्यस्य॒ होत॑र्यज । हो॒ता य॑क्ष॒त्ति॒स्रो  
 दे॒वीर॒पसा॑म॒पस्त॑मा॒ अ॒च्छि॒द्रम॒द्येद॑म॒पस्त॑न्वताम् । दे॒-  
 वेभ्यो॑ दे॒वीर्दे॒वम॑पो॒ विय॑न्वाज्यस्य॒ होत॑र्यज । हो॒ता य॑-  
 क्ष॒त्वष्टा॑र॒मचि॑ष्टम॒पाकः॑ रे॒तोधां॑ वि॒श्रव॑सं य॒शो॒धाम् ।  
 पु॒रुरूप॑म॒काम॑क॒र्शनः॑ सु॒पोषः॑ पो॒षैः स्या॑त् सु॒वीरो॑  
 वी॒रैर्वै॑त्वाज्यस्य॒ होत॑र्यज ॥ हो॒ता य॑क्ष॒द्वन॑स्पतिमु॒पाव॑-  
 स॒क्षद्वि॒यो जा॒ष्टारः॑ श॒शम॑न्तरः । स्व॒दा॒स्वधि॑तिर्कृ॒तु-  
 याद्य॑ दे॒वो दे॒वेभ्यो॑ ह॒व्यावा॑ड् वे॒त्वाज्य॑स्य॒ होत॑र्यज ।  
 हो॒ता य॑क्ष॒दग्निः॑ स्वा॒हाज्य॑स्य॒ स्वाहा॑ मे॒दसः॑ स्वा॒हा  
 स्तोका॑नाः स्वा॒हा स्वा॒हाकृ॑तीनाः स्वा॒हा ह॒व्यसू॑क्ती-  
 नाम् । स्वा॒हा दे॒वाँ आ॒ज्यपा॑न्त्वा॒हामिः॑ हो॒त्राज्जु॑-  
 षा॒णा अ॒ग्न आ॒ज्यस्य॑ वियन्तु हो॒त॒र्यज ॥ २ ॥

पि॒यमि॑न्द्र॒स्यास्तु॑ वे॒त्वाज्य॑स्य॒ होत॑र्यज सु॒वीरो॑ वी॒रै-  
 र्वै॒त्वाज्य॑स्य॒ होत॑र्यज च॒त्वारि॑ च ॥ अनु० २ ॥

अ॒ग्निं त॒नून॑पा॒तं न॒राशः॑ स॒मग्नि॑मि॒ड ई॒डितो॑ ब॒र्हि-  
 दु॒र उ॒षासा॑न॒क्ता दै॒व्या ति॑स्र॒स्त्वष्टा॑रं व॒नस्प॑तिम॒ग्निम् ॥